



菊圃集一

詩

六

16
2413
1



和
2413
1-6

菊圃集序



世之人知患父孝子之不
古者而不知患其人之
不及古人多見其迹且
惑也父孝人之言也

者出於心非自外襲以
取之也安有人不若古
人而其教而著於世者
獨能追武於千古之上
乎聖經尚矣不敢論已

試自秦漢以來歷送其
力任貫尾之器傑然為
一家之者類非賢人及
子印皆卓犖為傑之士
耳汲文亭者能其為

人之不家人而不徒務其
存外之文焉則不盡其心
之不足以不朽也近世文
章之立帳詞苑雜詩古代
者聽之與人之誦莫不一

容怡之於菊圃姜公而濟
恭自臺州出入門墻之所
以心得之於公者異乎人之
得之矣蓋公儀度峻潔
矧仙鶴之峙乎青田也

性字宗方則砥柱之障乎
衛波也宗居孝友盡備
海黨感服立朝智持清
裁非僻莫干及其道与
時睽杜門謝世於且瞻願

世是諒擢人才與之當
友者惟郭林宗是已留先
時以之為窮矣公之身敘
矣視其居城西如款之宮
蓬藿蕭然人之得一之知

槩者榮家龍門雖以趙
益之勢貴賤人亦不能奪
其權焉蓋古人所云當
世第一人者公雖形骸以
不居有不可得者若益

子曰誦詩讀書不
知其人可乎以是言之
詩書與其人不可二以觀
之也明矣公之文士學之
鬱老健力挽古為以詩

則五六兮逝體比少陵不
屑五之兮古風言有卷而
意無窮其卷在序之鍾
也其音清廟之瑟也以
文字則源委六經咀嚼說

門簡與而詩法定宏典則
而能反復間架締構老
少餘憾要之許眉首以
後一人而已嗚呼此豈以
之力之所能致哉所發

者公之心也所形者公之
言也公之所抱負即古人
之冠履容之與古人合其
理有不期然而然者耳
雖然世之以久幸蔽公者

已足知公之淺而此猶卷
而懷之不得後管黃黼
蔽之用况其古人之冠又
孰能使之展布而素心
中身七疋齋痛嗚呼端

矣公有著述棄而不錄
所亡逸過當今之裒集
者不遇士友間平日傳
誦与介聞者耳濟恭適
按閱甲第痛斯文之墜

也愧聖範之無所遜与
以之胤子必岳甫商訂
放校錄法文梓念昔公
不知濟恭魯劣嘗以國
士見待願濟恭白首空

洞學不加意不能塞先
學期望之意言之所自
效特刻劄一事耳嗚呼
使以有知其不曰負公也
邵抑白不負公也邵

聖上五十二年乙未
崇政大夫行平安
道觀察使兼兵
馬水軍節度使
都巡察使管餉使

平壤府尹蔡濟恭

謹書

菊圃先生集卷之一目錄

詩

次老杜詠玉明君

錦湖乘舟

節值寒食倍切先墓之思茲賦一律

族兄寓軒擇君消日冠其子聊賦一律以賀之

得家字呈叔舅

康衢詩

雨中

美人圖

裴海棠

枸杞子

小碧梧

網魚

結廬

畫帖拈韻命羣弟作亦隨成

暮春薔薇

吾庭一株小楓方紅二首

閱周禮

擬古秋懷

正月十二日立春

恩掃咸昌先墓感題追遠堂

晴東漫錄

松京

竹橋花潭嚴程不可逞撫悵然賦一絕

箕都

普通門樓

至安陵

羈樓四絕

哭朴老泉

夕霖

又一絕

逢秋

清南北

有園客饋寒露瓜一筐

房中桂

秋兩待族姪善應必慶正字

兄至

妻至

送兄三首

漫為

九日八章章六句

僧有饋魚者却之

步杜韻贈人

聽鶻

寫立春詩後

歸園錄

謹次外王父韻述懷示堂叔五首

苦寒偶吟示慎上舍元瑞龜重

慎上舍和贈又步二首

松北兄和投余苦寒詩奉次二首

庚子立春三首

別泰川使君朴長潤

次題春節齋李仁復來初南征錄

挽蔡修撰明胤

挽李承旨元齡

諸君聯枉步韻記意

挽權安州愨丈

白蓮錄

上寺日用裴迪青龍寺韻記意且遲輝祖

輝敗約不至作五絕以調之無示族姪思卿

夜坐詠杜工部十七夜對月詩

停雲四章寄慕軒必慎竹陰吳光運諸君子

夜雨得多字

諸君期以是日來作既見君子一章以見意

惡雨賦得

清潭又愆期寄來七絕五首答之

望仙遊峯感懷蘭馮朱太史

榮木六章

清潭至喜甚輒拈簡齋集中韻共賦之

次潭君韻

翌日共次唐人韻

次寄善應

永伯以六絕見寄次之

錫鬻

歸帽

思卿至共拈涼字

下山和諸君四首

拈陳去非詩中笑領銅章非失計一句排韻作

七絕句錄奉花山新伯春節李君

菊圃先生集卷之一

詩

次老杜詠懷古跡三首

晉山姜櫟子淳甫著

紅顏啼出建章門白草黃沙何處村宮女始知燕塞
遠畫工終使漢王昏荆南舊宅無歸日磧北新春有
斷魂馬上箜篌彈不盡曲中哀怨向誰論

右王明君

蜀帝臨崩憑玉几永安蕭瑟是行宮忠臣感激存亡
際時事艱難草創中大寶終然歸老賊英孫惟不忝
阿翁杜陵詩句堪流涕思漢人情今古同



右漢昭烈
感激先王三顧際草堂牢卧亦非高一身許國輕如
羽五月懸軍犯不毛時事縱然無奈漢壯心猶欲必
殲曹秋風渭水長安遠臨死危忠轉自勞

右蜀丞相

錦湖乘舟

一夜東風雨錦湖春水青依微雙樹寺明滅四松亭
暖燕隨輕帆晴鷗起遠汀蘭舟山下泊躑躅照江明
節值寒食倍切先墓之思而冗病不可少離廢
關省掃愴傷伊何茲賦一律以寫其哀 甲午

春來無事不堪悲芳草淒青柳絮飛二月清明時節
逼故山香火子孫稀白雲曖曖空相望錦水茫茫不
可歸山下梓梧誰更護東風回首淚沾衣

族兄寓軒

釋

君洵日冠其子聊賦一律以賀之

族子冠其頂頓然秋水神阿爺怡色動諸客賀危頻
宗席憐添座吾門喜得人應須不慙蚌膝下有雙珠
得家字呈叔舅蓋寓愴舊之意爾

緬憶清溪山下家短崖委曲小蹊斜松深隱屋塵喧
少藤老當簷晚趣多齋額篆留曾揭板砌心春返舊
栽花依然往事皆陳跡谷鳥林鶯漫自歌

康衢詩

康衢採諷謠微服亦云勞鼓腹無餘事堯民勝帝堯

雨中

湖外春為客鄉愁強半多東風三日雨開得一庭花

美人圖

睡起芙蓉帳玉顏凝細眸低頭看綵蝶強半是春愁

衰海棠

帶老刺芒多叢枝青麓簌忽看數花開全是可憐色

枸杞子

數竿老枸杞根着小池干紅子秋來熟煩嗾堪一餐

小碧梧

玉柯青猶小雲葉翠乍輕定知中夜雨窓外幾分聲

網魚

漁翁携短網橫割碧溪心俄收一筐雪歸路晚雲深

結廬

結搆松楸下居然巖壑幽地從隣子借材向峽翁求
開徑沿殘碣編籬倚小丘前林聞布穀春事又西疇

畫帖拈韻命君美弟作亦隨成

石路深深紅杏多柴門隨處小橋斜二人相顧如相
語意在青山第幾家

暮春薔薇

但愁桃杏盡不省薔薇開
夜雨春猶在東山我始來
比荆羞綠刺當菊泛深盃
自此芳菲歇狂風且莫催
吾庭一株小楓方紅
兒童媚我近軒移一樹
欄珊約數枝山壁向來渾不
道小庭秋後絕堪奇

其二

霜葉依潭耿自鮮
憐渠作意媚秋天
直饒渾在蒼山側
那得人看似此專

閱周禮

皇王大綱紀作述
自姬公秦火幾無幸
漢儒多有功
官名非鳥制治道備
天工衰季其書在
區區一海東

擬古秋懷

繁霜凝素秋風氣淒以寒
北山墮飛蘂中谷委芳蘭
烈烈寒螿鳴蕭蕭南鴈歸
良時不可住節物看依依
東籬時菊開粲粲黃金英
悠然攬寒華緬焉起深情
晚圃無遺秀獨爾持餘芳
徘徊在中庭晏景砧杵涼
激楚行平蕪白露明如練
山中多桂樹花發紛如霰
恨恨有所思中阿可淹留
念此苦遲回荏苒歲月道
惻惻坐幽幔素歎鳴颼颼

正月十二日立春

我軒臨我圃我圃青青蕙春來采幽芳所思在迢遞

恩掃咸昌先墓感題追遠堂

松栢蒼蒼遠古原宗人秩秩會斯軒合筵悼叙天倫

事省墓深知 聖主恩谷曉鳩鳴桑柘兩嶺春花晚

杏桃村舊家瓊葉今蕭瑟回首山陽我涕繁

晴東漫錄余待罪槐院曰答寮簡觸諱遣臺言
終有安陵編配之命丙申閏三月

松京

殘春過故都廢城草花開我馬豈不駛徒御亦已催
悠悠尚遲回丘墟民自哀佛力何渺茫華臺今已無

煌煌我 聖祖揖遜侔皇虞漢水流泱泱膚敏既裸

于宛彼北嶺上松折生繁蕪樵兒歌苑庭金輦歸來

遲停懷創若是後王尚鑑茲方當全盛日誰復憂今

斯流川向東去日夕不可住傷心暮烟鍾永嘉留詩

句

竹橋花潭嚴程不可逞撫悵然賦一絕

荒橋悲豫子花庄憶堯夫恨恨一回首默默就前途

箕都

青青路中林鬱鬱江上樓明藥列游極粉堞涵澄洲

望之如仙居不敢即前由借問為何地云是古玉州

檀神及解婁幽茫不可求記昔翰馬東滌陋叙洪疇
其民尚禮讓風與中華侔聖人去不返阿斯位悠悠
井畎湮舊制麟窟初仙遊淑化既云敞俊麗實其流
爭言乙支宅蓬茁為墟丘眼前須滿意金帛當公侯
女兒輕綾縠丈夫駘與騶笙歌日夕起金柈羅綺羞
陌柳青葦烏城花弄春柔芳華儘可娛我懷殊未道
明時奉 嚴命 聖恩非不優離親日遠驅拊身悼
釁尤僕御勛余言君子尚夷猶余向僕御謝嚴程敢
或偷豈不思宴好為我畏朋儔駐馬俛城門門前即
渡頭去舟背我之來舟向我投滔滔彼行旅焉知我

心憂

普通門樓

萬曆二十一年癸巳正月八日 天將提督
李公如松督諸將破倭於此樓下今去癸巳
百二十四年而樓尚宛然不知前癸巳又幾
年也

廢城圯可踰荒譙歸但餘晨朝驅馬去草風吹我裾
緬憶龍蛇際海奴登此樓樓上睨彼灣彼灣復何由
提督儼從天醜屍與樓齊躍馬事依然裴回想戈擊
百年耆老盡往劫爾獨知難難歷風雨神鬼實所持

悠悠彼行路履此今何之人去復人來不見皇華使
沉歌撫靈光我涕何時已

至安陵

將住南門外
故未句及之

嚴道嚴裝八百里安陵安泊始非期時明賤物甘避
屏親老私情愍遠離日暮塞營繁鼓角春殘野成爛
棠梨荒江亂石南城外何處艱辛寄一枝

羈棲四絕

地偶同安邑人慚仲叔多猪肝尚嫌累庖廩謂斯何

地主權公過贈恆常饋米肉是豈
特猪肝然我令人甚愧仲叔故云

其二

長公計非拙昌化買地處媿余橐無錢民舍借為所

借居東邊村折
衝金起鼎家

其三

主人且勿曠主人且勿笑江漢有弊廬遠羈非余好

其四

家依東街口門外晴川流川上彼誰子不逢江漢舟

哭朴老泉

穆彼清風度依依思故人春花深北寺雨勺藹西園
一夢容輝遠千金簡墨陳緘書遙欲慰惻惻爾雙親

久霖

昔日已堪歎今朝更若何
潢泥盈道軌江沫擁堤沙
菑沴當兵革誅求况縣家
憂虞還頌洞不獨念吾涯

又一絕 南塘村名

滂滂勢未已中夜更顛加
南塘最近水嘿卧念人家

逢秋

冉冉朱陽歇晴川颯已秋
塞耕收就近邊鶻養成稠
信使何時返佳人極浦遊
單衣生白露前日即閑愁

清南北

清南與清北城邑鬱連連
遠席明羅綺開門爛布泉
綠隄都護馬紅幙按廡船
野哭猶何意繁華者可憐

有園客饋寒露瓜一筐

野老殷勤破靜慳滿筐圃實淡秋顏
古人一食皆依禮對此那忘祭上環

房中桂

當秋弱植不禁殘
羈屋如盆許共安
此事得無人拍笑
汝公方自帶霜寒

秋雨待族姪善應必慶

正字

應後號獻窩時住黃州

澹澹西江雨佳人在竹樓
橋憐斗酒晚碁憶子聲
道匹馬非牢畜殊方少舊遊
丁寧吾正字此會是良籌
兄至

斑斑道中石之子來何躑霧露能無病庭闈幸尚安
驚餘還恟惚情極且悲懽夜夜相思月今成一處看

妻至

微爾豈中露卽君來遠居牛衣知固樂鴻案對堪歎
暮塞霜砧亂荒樓紙閣踈功名曾勸覓今日謂何如

送兄

居延城上鶻初盤勒川邊畜氣寒野日蒼蒼人欲
發紅雲何處是長安

其二

黃榆葉墮鴈飛咽遂嘶笳夜不稀到此無人遲下

淚逐臣今又送兄歸

其三

萬事堪排此未排客懷今夜共誰開籬間永嘯依黃
菊恨不留君又一盃

漫為

荒裔豈吾俗韎韐非我隣勝衣還御虎當酒且吃人
上客纏腰重佳姬獻笑均儒冠者往往羈席此為珍

九日八章章六句

悟彼征鴻晚西江起衰回鞠深孤嶼荒霜繁七佛哀
良歲可燕懽羈伏拋深盃

其二
秋江白以森佳人行未邀顧已非天麗嘉惠死迢迢
珍重東薪夫莫以蘭作蕭

其三
白雲涵西澁永言懷我親有兒速大戾高堂曠昏晨
江漢一千里嗟嗟是何人

其四
安穩羣兄弟同爨非離居登高豈不樂憶我心踟躕
願言把茱萸憑寄珍重書

其五
歲月去云逝惕然吾寤寐天理晦難明物欲萌已熾
孤居阻疆輔如何無作愧

其六
秋齋燈熒熒遺經謹卷舒識雖未遽精口耳欲悔初
苟容心頭物且失眼前書

其七
嚴霜被密阿羣蕪日以殘念茲起浩歎負茂良為難
努力諸君子皓首期永懽

其八
聖度非不寬罪大臣宜黜離家淹塞屋重陽且蕭瑟

淵明舞白衣不負黃花日

僧有饋魚者却之

居澤不將羽在山無以魚雲阿有芝菜擷此可私余

步社韻贈人

玉人不其辱我室蓬蒿紛門駐盃時馬天停賦後雲
義深窮道仗詩蔚過庭聞川上多風雪如何堪送君

聽鶴

虛館春燈壓夢青子規啼送枕邊聲三更窸窣開窓
見晴月梨花自一庭

寫立春詩後

余於謫居無慘中偶閱西行以前詩得歲首
立春私帖子有曰我軒臨我圃我圃青青蔥
春來采幽芳所思在迢遞蓋余嘗於庭圃略
植花卉曰以自號為蕙圃居士故詩中使意
如此而以今見之其為語幽孤愁遠宛然有
江潭意思豈代間事泛若悠遠而自然有先
垓於未然之前者如此歟余嘗謂冠老之十
里海蘇長公之翻天雲壽特出於好事者循
跡作勘以余徵之蓋容有不妄者矣遂感而
賦詩歲丙申季秋也

滌滌庭中圃竒草華以殖愛而不可見榆樺莽歎息
靈性本瑩虛百應感未來衆昏莫能察開士固已該
聲言出天機萬古何悠哉此遇寧為憾吾道未應非
高歌撫余佩美人同與歸

歸園錄

余於己亥自光山蒙宥還都下弊廬集所
作命之曰歸園錄

謹次外王父韻述懷示堂叔

攀花曾是狀元郎枉擬青雲盡意翔世路偶然輕失
脚舊游還復恥同行晚思補過親書卷時為扶病檢

藥囊竟日柴門人客少不知家在市朝旁

其二

玄都觀裏返劉郎免使青蠅吊仲翔膝下幸伸烏鳥
願原頭喜續鵲鴿行君恩量去知如海世故經來
勉括囊大醉高歌是吾道傍人莫恠若無旁

其三

封胡安敢望中郎鵬掣胡然後鸚翔器任陶甄常晚
就糝依揚簸偶前行寒天把酒交分席少夜論詩對
檢囊聽取外人人物論竒珍寧久擲塗旁

其四

苦思堪笑類江郎鸞鳳何曾筆下翔
鈍鋸不爭霜劍利劣駒難齒逸
騏行假有三都堪覆瓿元無衆體可
盈囊洛陽才子休先後形穢難於近玉旁

其五

潜居身世劇潜郎情似樊禽苦未翔
休櫛養痾渾竝日覽書和睡罕終行
俗塵堪障松當戶詩草要藏紙作囊
最羨青蓮饒逸興一壺隨處掛車旁

苦寒偶吟示慎上舍元瑞龜重

嘶硯冰衾渾不收暮天深雪掩書樓
今年却忘前年苦來夜行添去夜愁
遠郭微鴉分意思小庭新檜與

風流東隣美酒時應熟好想春雲潑甕頭

慎上舍和贈又步

白雪紛紛未遽收颶風無數入虛樓
歐公令峻輕難犯謝女才高急覺愁
薄日雲遮迷早暮小川冰塞失源流
晚來欲赴東隣約試下堦前屐沒頭

其二

箇箇明珠掌上收他時長弟破烟樓
生人有子三非少居世如君百不愁
魏部占星知降應羊家鍾慶想來流
大郎傑步充堪怕放出吾輪地一頭

松北兄和投余苦寒詩奉次

庭除雪滿烏烏收蕙子關門不下樓江漢迢迢清月在梅花寂寂美人愁歸來實少尊前合向者空傷嶺外流手把新詩興遠意暮天山閣一回頭

其二

嶺海三年散魄收携來詞賦有登樓風塵已濶平生意霜雪空深歲暮愁荒屋一燈聊此夜輕舟何日試春流孤吟擬續青谿曲恐被傍人大拍頭

庚子立春

四歲西南道歸來故國春
禁麻閑雨露長作太平民
又

萬死歸來屋數椽洛川風月卧蕭然
閒居隨分新春計半割前庭作菜田

其二

手撫瑤絃曲未裁綠尊遙隔可人來
新春白雪興懷遠盡日虛庭倚小梅

別秦川使君朴長潤

一半羈魂在浪垠送君今日思紛紛
高山浩浩長留雪遠塞陰陰不盡雲
枕上蓬萊稀到夢笛中楊柳詎堪聞
春風五馬非窮道且把征衫鄭重分

次題春節齋李仁復來初南征錄

學士南征橐無他只好詩勝遊人亦有稀調子能為
瀛海雲光異波羅寶物奇一吟還一像得處定掀髭

挽蔡修撰 明胤

學士去何之西湖春草悲斑衣到白首濁世還清規
計秩生人意承續孝子思為銘不外乞家有中郎辭

挽李承旨 元齡

清朝舊侍臣晚卧蟾臯春耕鑿歸來計滄桑見在身
晏暉淹社梓稀曲和山榛存没夫何憾爵天勝爵人

諸君聯枉步韻記意

珍重二三子相隨過樊廬風流看此會禮貌容吾踈

庭物留春在潭先得雨餘雲山同寄意料理檢箱書

方有蓮寺同遊之約

挽權安州 愨丈

世人皆尚外尚外還遺內誰昔奉君子何時衰慕愛

其二

天姿原豈弟全體儘精神最是觀公處向人如向身

其三

霞老同堂弟花山舊世家委蛇具衆美入譽早年華

其四

天地無窮事風塵倦宦情簿書還白髮誰記狀元名

其五

事簡休官後年深卧病餘閉門南郭下真個世情疎

其六

瑶棋時在御芳醴澹盈樽亦有舊賓客不聞公笑言

其七

維揚好山水來葬舊使君州人走相紉淚墮霑秋墳

其八

夙我承嚴命蒼茫過洞仙當時西道主賴得我公

賢

其九

地偶同安邑人為仲叔難多慙口腹累不獨在豬肝

其十

祇今清川水澹澹如有情窮途存感激持此以平生

白蓮錄

辛丑閏月約諸君上淨土寺結社集其訓唱
而命之曰白蓮錄蓋為寺在白蓮峯下而亦
取古人蓮社之義也諸君詩在別錄

上寺日用裴迪青龍寺韻記意且遲輝祖清潭字

藹藹寺樓夕坐久亡世氛隱見明湖色多少遙山雲
幽迢并谷子此遇與之分共言餘懷在足音如可聞

延悵行中林時看幽鳥羣

輝敗約不至真俗士也遂拈北山移文中一句語為韻作五絕以調之兼示族姪思卿

身輕矯自舉行不煩上請朝謝城市塵暮宿招提境

其二

後山如拱抱前山與水回清泉出幽石泉上林花開

其三

酌泉勸井翁興懷念二客二客塵泥中如今那免俗

其四

欲來初非決中敗果誰使且置勿復言山門無俗士

又

揚湍可射輪飛柯可截靶山靈怒方瞋願君休妄駕

夜坐詠杜工部十七夜對月詩感所值適同遂

次

嶺上清生月樓前梢倚身微烟遠野樹數火何江人
礮響傳心細林颺到面頰無言向李子情與境俱新

停雲四章寄慕軒必慎竹陰吳光運諸君子

昔淵明有停雲四言四章蓋思親友而作也

山居靜寂之中念我同志諸人而不可見則

諷誦遺篇悵然有同境之感矣輒相命演為

五言以述之雖其風尚平凡音節粗俚未免
為東施之醜而其義則或無失於古人情性
之遺也君子覽之庶幾有取於斯歟

白雲何峨峨停彼山之阿可望不可見所思亦已多
美人愆我期歲月復如何

其二

白雲何盈盈山阿誰為停對此思彌繁羣壑亦已冥
美人今不至欲往迷所經

其三

皚皚巖上林粲粲川中石城市多風塵美人空此夕

嘉惠在中心何以同瑤席

其四

嬾彼翰林鳥求言懷我人他人固密邇為子疇昔親
瑤華將婉晚如何不損神

夜雨得多字

南湖一曲水增波涼雨隨風入夜過試待明朝開戶
望平蕪霽色幾分多

諸君期以是日來則喜可知也作既見君子一
章以見意亦古詩之遺也

林阿澄晏景清風時未已君子惟古權崇飾惠芳趾

告子莫遽前容我整衲机瑶琴十二絃有酒潔且旨
不見令我憂既見令我喜始知心中境隨遇見變異
持此以相勗明德保終始

急雨賦得

樓外雲雷欲雨時坐間閃忽境堪疑纔從南浦如潮
八已向東峯並霧垂

清潭又愆期寄來七絕五首答之

手把函書掩案經樓前一笑暮山青風塵苦是身難
放何限巖居與水亭

其二

相携高卧白雲天忙底曾消許個年清事且將公物
處不須徑怕世中傳

其三

潭君家計欲如何最是難除世冗多恨不携來林下
飲石泉清冽可浮瓜

其四

眼中久不見吾思迢遞林居世與離塵街訂名非省
事且從真境了閑時思寓皮谷來詩戲之
思即改以避字故云

其五

林閣翛翛僧語寒枕間時自度松湍老夫重向諸公

托莫以汀蕪棄谷蘭

望仙遊峯感懷蘭嵎朱太史

昭命之蕃萬曆丙午

登樓激初嘯天地長在不江山一以暮雲物憺悠悠
君子昔東惠江漢盈風流淑佩含明輝芳沚有桂舟
木蘭為君櫂芙蓉為君幃清絲為君奏名醴為君羞
俯看大江流仰視陰雲浮崇曜忽已淪秋色彌山丘
瑤華澗不見遂為今古愁長歌下樓去幽淚滿中洲
遂為一作曰之

榮木六章

清潭以余停雲有古道過有稱道輒又演和

榮木以惠之其念老求業之意蓋倣原詩而

思與同志勗厲于今日者又自別為一義音

節鄭重風流弘遠藹然有辭外之致斯豈非

眷眷於古道而必欲交相引發者耶遂感而

和奉

庭有榮木亶亶其柯既茂而華逝將如何下民之生

往日其多惕焉回顧中夜以歌

其二

榮木在庭其葉粲粲豈伊匪馨霜霰何為莫教以嬉

釋此良時良時之邁其艾其耆

其三

視爾在家蒙陋而荒今爾弗往來者其亡侯懋爾學
侯秉爾常匪爾之私侯亦章章

其四

邪徑驛驛敗我良田人欲之橫喪我原天始厥匪終
誰謂不然君子孔儀翔彼止淵

其五

山蹊黝黝猛虎斑斑君子于止躡步維艱明佩匪華
好眉之姍棄捐勿言守此玄關

其六

歲月悠徂我懷我友匪直伊懷式喜其有瑤琴在御
芳酒于旨如瓊如璧期以皓首

清潭至喜甚輒拈簡齋集中韻共賦之

山徑有歸鳥山雲生薄陰虛樓佇今夕之子到芳林
白石泉光淨香爐僧語深向來幽寂意一與君吟

次潭君韻

幽居始遣故人尋繫馬中林政夕陰山閣迥舍千里
意石泉清照百年心泠泠壑籟言逾淨藹藹爐香坐
轉深今日聽君歌古調一尊相對試長吟

翌日共次唐人韻

崇阿景曖曖深坐看雲時江淨分光遠山幽見性遲
鳥歸如昨日僧去赴何期共惜林花晚將來欲寄誰

次寄善應

欲謝溪東子回書自遠郊丁寧道靜業次第訖寒庖
柵爐清凝簾茗香淨滿斝山扉關夜月留待故人敲

永伯以六絕見寄次之永伯竹陰山後改號藥山

枕上烟霞几上巒近樓松桂翠陰團此中知有三仙
在山外人應盡作者

其二

故人槃薄市朝喧自道宵襟無俗煩最是白雲多意

思長時不近故人門

其三

幽僧勸我上樓行遠遠西峯雲欲生林鳥一聲山日
晚回頭不見洛陽城

其四

崇臺偃蹇愴移筇巖底幽花落暮鍾南浦潮歸秋色
淨依依遙識海中峯

其五

澹雲疎日舊諸天藹藹風流結夏筵共採瑤華興遠
意義人消息定何邊

其六

一尊前日醉南城
小雨榴花在眼明
昭悵山阿看不見
樓頭假意聽蟬聲

討論之暇詩律間作累日以還輒厭就即景為詩欲詠史以暢情寺中無他書籍而適清潭行笥有春秋集傳一卷遂拈出數事命題仍與共賦

錫鬻

彼鎬誰刈薪
渥水方漾漾
文侯起扶常
天王正在上
德音沛煌煌
恩賜以鉅鬻
王風豈遂淪
典章可瞻仰

嗟哉友邦人
侯度處毋曠
詩人詠緇衣
頽運期回張

歸贈

煌煌文武世
郊藝游麟鳳
王風入黍離
九有昏以霧
大夫臨東魯
問歸誰氏贈
禮物不可瀆
君子有隱痛
大夫且周章
入為君王諷
舊章尚可修
明堂受朝貢

思卿至共拈涼字

思卿慕軒字

美人今始至
服佩委蛇光
淨几芳香在
崇阿桂樹長
依依夕景遠
淡淡秋雲涼
明日更何處
德音不可忘

今日將下山故未句云

下山和諸君四首

今古荒塗且可尋小菴依隱碧山陰出門即事疑他
界並馬故人知我心欲暮軒檐嵐意重近秋松桂露
華深塵衣正好林風拂倚在中阿偃蹇吟第一述與
杳節並馬

其二

柴桑遺際宛遐尋近亩停雲藹晚陰良友不來空此
夕古人如在也同心繁崖嘉樹芳輝晏曠壑幽泉恣
意深為是詩家多興寄新聲且奏北山吟第二述慕
期停雲北
山實際也

其三

蒼崖破笑忽千尋皎爾鳴駒在谷陰人世難為今日
會兩邊傾向一般心詩前石竹秋仍淨訣裏金丹歲
政深回憶此時吳正字海榴花下動孤吟第三述清
至仍懷竹陰石竹屬慕
金丹屬潭亦實境也

其四

山居窈窕少人尋桂樹泠泠日夕陰丘壑向來清活
計風塵還復舊身心園秋獨鶴傳懷遠郭夜踈燈照
夢深世上悠悠皆過耳白雲回首更長吟第四述下
山後清境
拈陳去非詩中笑領銅章非失計一句排韻作
七絕句錄奉花山新伯春節李君

銀臺朝夕備 恩召誰遣詞臣從外調三日離筵滿
城花不見君愁見君笑

其二

花山太守奉板輿三月花山花滿境此時北望君
恩深莫以杯觴迷簿領

其三

先賢遺邑尚流風人俗雍容禮法中但使絃歌騰比
戶不妨苔綠上文銅

其四

永嘉山水是仙鄉學士南遊 寵暇長無限映湖樓

月上案頭公牒亦文章

其五

中郎遺籍世看稀羊氏傳徽媿我非今日仗君期繡
木舊箱收拾涕先揮

其六

尊重江南第一州殷富邑中千萬室公餘坐對清涼
山人世悠悠誰得失

其七

中宵意會感身世紅土東華非素計南道吾今有主
人山陽歸管舊松桂

菊圃先生集卷之一

菊圃先生集卷之二目錄

詩

南隱錄

途中

錦上望四松亭悵懷輝祖

渡尚山峽津望自天臺

長路紀情

到豐山先簡花山伯

到花山復續前詩

上官途中

感君恩三章

官居閑事

白菊盆

寄花山伯二首

民有爭峽田者犯曉往審途上漫賦

傲吏

聞韶館臨試偶吟

花山衙賞梅與主人同次東坡韻題龕

日余自聞韶回至花山衙與主人賞梅賦詩歸

來尚有餘意追賦一律錄去求和

花山寄來梅詩第二疊遂和兩疊錄去

亞使金鵬路翰運到花山與主人及南上舍德

老各賦一律寄來遂各錄答四首

亞使轉到青鳧賦梅詩餘韻專人錄投又和奉

花山使君移梅於臨清閣遂設作朝答錄奉二

首

答自如督郵

花山伯寄來立春詩遂錄答六首

正月上旬與花山伯期會陶淵之仙刹路中口

占

取拈僧軸中前人韻與來初各賦三首

鳥嶺

苦樂行

維揚晦谷族兄梓到花山得余仙剎詩步韻寄

來輒此和呈

花山伯棄官歸病未身別替以三絕

龍湫躑躅

南征聯句

答寄丹丘宰洪兄建春尚寅四首

陶山路上更用前韻口占去示昏節

陶山

愛日堂

古意

南亭待昏節愆期

按鵝亭次壁上韻示亞使

重陽次亞使

次壁上絕句

自山陰入伽倻

谷口

寺中紀覽

絕句

丹楓次僧軸

宛在巖

次贈關東亞使李持國萬維

龍城次主人三首

館後主人又書送絕句亂答之揀留四首

謝機師惠山果

機師次余謝山果詩袖來見贈其意鄭重遂再

用其韻答之蓋寓張子英才被驅之嘆不知

機師有否

移梅二首

早朝

又題

對花懷春節

世常以離騷遺梅杜詩欠海棠為病余遂戲成

二絕

江南行題梅龕且寄春節

從兄子衡氏自京來商山族叔公望氏亦來會

重步梅龕諸詩任醉亂號七首

和贖沔陽李上舍錫祉二首

丹丘守次花字寄來更吟

贈朴生恭臨二首

丹丘衙遇姜上舍尚耆次贈二首

更步上舍韻題主人梅龕二首

姜上舍自丹丘凌嶺委訪除夕前夕也次贈二

首

題仙訣

明皇翫花圖

追次春節除夕詩

自鳳城歸尚有餘懷輒依留詩韻和成三疊錄

奉使君無示春節求正

南亭種花

理埭三首

思人二首

春日峽行

丹丘觀海用李達韻

登樓示主人使君

滯雨戲作

夜月

野鳥行

感物吟和丹丘見訓高臺第二章之意

贈鳳城舊使君別三首

寒食

丹丘守有書稱歸田散人蓋將棄官也以詩戲之

真城志感

詩答真城宰觀魚之約

縣中十詩

英山書院

英毅公廟

瓢隱金處士

趙吳二孝子

村孝女

日月山

七星峯

仙遊窟

立巖

靈穴

追書縣中十詩後

怪蟲

淫雨

和東厓李決

和西寓

寄李和國萬寧二首

和鎮花

途中

南亭有思

聞安陵棄官歸錄寄三絕

謝禮卿騎曹

再理埭

水明樓曉吟

隱社錄

春節來赴詩社之期喜甚得東字同賦

上元用唐人十五夜望月韻錄寄紫海使君洪

建春

望月謠

東厓李丈至同賦曾字述喜

衰梅得深字

送人塘送東厓聯句

和人

丹丘疊韻和主人使君

丹丘行

上嶺行

丹丘戲作聯句

如雪梅詞

子夜歌二首

麗鳥詞

疊韻錄寄丹丘

簡招機師

機師至得何字

和機師

附機師

仙遊窟

贈歌者趙源得情字

詩社將罷尚有餘意共八清涼為離合會途中

口占聯句

紫皮峙

清涼洞口得山字

到寺得羣字

吹笛臺

又五絕

次韻題策上人詩軸

山樓有思聯句

向滿月菴

下滿月

離合詩

下山寄春節

隱杜續錄

戲成錄答

寒食翼日發向浮石赴春節之期也谷路偶得

一絕

路中念春節先至

到寺春節尚不至

合席

南溪行

聚遠樓各得宮天字

申潭

聯句留贈學習

下寺

影池

竹溪離合聯句

和春節兜率詩

和樂寓贈機師

和春節連原誦唱

菊圃先生集卷之二

詩

晉山姜櫟子淳甫著

南隱錄

壬寅秋余出宰英陽收紀在路之官首尾所
賦命曰南隱錄蓋以邑在嶺南而古號古隱
故云亦取古人吏隱之義也

途中

輕鳥寧嫌遠幽魚不厭深非無有當觴亦有無絃琴
何處是吾土誰人知我心行行忽自得矯首看雲林
錦上望四松亭悵懷輝祖

江上四松樹青霜後姿主人京洛去歲暮更誰期

渡尚山峽津望白天臺

白天臺下水如天臺上丹楓映水鮮一曲平沙鷗鷺
靜夕陽歸客上漁船

長路紀情

世路從來倦浮沉已十年一官方在道徑欲賦歸田

到豐山先簡花山伯

好在花山伯如今何所為莫言有公事且訂白蓮詩

到花山復續前詩

且訂白蓮詩且舉黃花卮中筵忽感顧諸君不在茲

上官途中

清涼山色晚來寒炭路沿湖曲折蟠崖上石田從蟻
稅樹間霜實任飽殘鄉間曠斥知人罕父老前迎驗
俗寬踈角倦旂煩道引十年奔走媿儒冠

感君恩三章

陔南有秀蘭陔北有白華中有向嶺道嶺縣穠秋花
舒舒奉板輿子心當如何吾王政錫類分毫皆
聖涯

其二

黔南有拱木連東有宿草兩地余丘墓霜露亦已浩

悠悠從五馬香火展省掃 聖典良感激明幽徧榮
造

其三

葉縣有玉舄句漏有丹砂顧余鬢猶綠作尉來仙涯
竦體刷前垢棲神鍊素華何以獻吾 王粲粲靈芝
花

官居閑事

解宇蕭蕭松桂叢使君家計等園翁公庭日晏休衙
鼓時有山萌訟石蜂

白菊盆

孤高白處士來近使君居襟期蓋有契玉貌非求余

寄花山伯

絲鬢雄都護銀臺舊侍臣吟詩嶺海滿把酒簿書春
麗榭繁星動嬌姬遠黛勻湖樓堪夜讌紅燭照芳茵

其二

西郭朱陳里南來杭越隣道應關氣會天亦與人便
漫牘筒奴橈名山几實均官梅開早晚消息共堪憐
民有爭峽田者犯曉往審途上漫賦

曉天官角和霜颺山路危藍折復回未使民風歸讓
畔空勞巫馬戴星來

傲吏

江漢平生傲目之吏隱懷公衙依枕放民牒把盃題
靈谷有芝秀仙翁遺鹿腴天風吹碧霧山色郡齋西

聞韶館臨試偶吟

峨峨嶺嶠倚青空文物衣冠有古風八穀豈無天下
雋臨軒難得有司公官宵蠟燭催鍾限藝壘毫鋒寓
戰功措大眼邊無俗膜就中誰是萬中銅

花山衙賞梅與主人同次東坡韻題龕

美人宛在江南村芳華晚晚愁神魂眼開忽見青萼
梅虛齋淡雪回輕昏天星歷落河漢曲海月寒灑珊

瑚園美人玉立香步障啣盃一笑生春溫瘦枝短短
橫夜燭淡藹細細迎朝暎且住幾時紛如霞驛使不
來空倚門門外迢迢山復海天寒歲暮誰與言美人
將命且乞花留我百日疇芳樽

日余自聞韶回至花山衙與主人賞梅賦詩詩
未就而移席西龕相與坐前樓對月命酒興劇
始勘前詩真個清境也歸來尚有餘意追賦一
律錄去求和十一月望子淳拜花山伯足下

未了梅花事移筵西岳來小湖生淡月續佩倚崇臺
野意渾如水山痕欲倒盃瓊華當歲暮行與美人迴

花山寄來梅詩第二疊遂和兩疊錄去蓋傲東

坡原詩及晦翁陶老皆三疊也

江南有梅凡幾村苦向花山產余魂南枝昨日開蕭
晨北枝今日開參昏向者桃榴少意思繁紅熱紫紛
芳園為愛寒姿殊絕俗更喜主人風味温誰家美女
將明鏡擬較顏色臨窓瞰主人愛花劇於女對花一
月不出門憶昨緘花遺素書書中字字相思言懷袖
至今香不滅吾將酬子青瑤樽

其二

前冬丈雪漢上村不見梅花傷我魂今年嶺外所見

異十月花開月未昏南中風土固其然何限山紀與
澗園最愛花山使君龕一樹二樹盈盈温我與使君
欣賞之夜坐不知晨日暎但君邑劇梅不穩請君擎
送山人門不然合遺吏隱如我者官閑庭晝無喧言
不然君須擲紱携梅去去對梅花開酒樽

亞使金鵬路

翰運

到花山速余余以公冗謝不

赴亞使與主人甚悵然同拈梅花詩中五韻各
賦一律南上舍德老亦預會同賦寄來遂各錄
答

函書百里遠相温隴上寒梅媚小昏淡雪南湖生好

月故人前夜有芳樽良遊向爾輸專席公事關渠可
出門永夕虛堂依短燭孤懷脉脉對誰言

右答亞使

似玉其人在邑温公餘吟眺自朝昏西湖處士遺瓊
樹北海嘉賓對綠樽夜月江光來岳寺夕陽山色滿
城門春亭傷別還堪笑嶺外吾今與子言屬鵬路詩已述緯續之意故此未聯却用反案法蓋泛言先後南來相近也

其二

幾迴一日向梅温曉坐渠應自未昏先後着花如會
意尋常留客不空樽暮年空待天涯使東閣偏開月

下門南國佳人休惹妬向來桃李亦無言

右答花山伯

玉人如在眼中温百里詩來日未昏嶺路驅驢欺暮
雪官宵燒燭倒深樽東京才子工翻曲南國嬌娥慣
倚門聞說梅花評已了更將何事入清言

右答南上舍

亞使轉到青鳧又速又未赴又拈賦梅花詩餘
韻專人錄投其意可感又和奉

咫尺青州又未赴故人前後漫勞魂迢迢驛使臨長
路寂寂梅花在遠村嶺樹千章遮暮雪城鴉一字閃

朝曦青衫烏帽俱身外好去春耕錦上園來詩有先去訪田園

聯之語故末及之

花山使君移梅於臨清閣主人貯在東閣小龕聞其主人失梅甚悵然此事堪入詩話遂設作嘲答錄奉花山使君君其謂何古隱逋更蕙圃

子淳拜

主人且勿怨主人且勿言諒君自貽戚誰怨更誰言昔我托君子有如蘿在松雖無春風姿終歲為君容如何棄我輕送與何水部東閣鶯春薰小檻籠金縷亦有好主人移根何所苦但憐清閣月寂寞守空戶

右梅君嘲臨清主人

君欲聽我歌我奏陌上桑此曲君厭聞且歌閭門揚誰昔依澗阿胡然在道傍儂誠負幽情君豈持初心且置勿復言相思以至今近日憑人聞使君將言歸言歸亦不遲有如春盤詩豈其携君去重逢庶可期

右臨清主人答梅君

答自如督郵

暮天深雪閉寒衙手撫瑤絃遠意加嶺樹重遮雲外望驛梅偏發隴頭家華槽定有凌風馬綺席那無伴月媧堪笑山中迂太守一身如釋卧烟霞向於聞韶之會舉外

王父詩而有伴月凌風之戲矣今來詩有却對朝陽館裏媧之句故頭聯云

花山伯寄來立春詩曰春盤無賴作新年閣裏
殘梅轉可憐商略檀公最上策僑居去占白雲
邊此所以志新年而白傅香山之趣歐翁頰尾
之意藹然於辭句之間甚可貴也余亦方有簿
書之累見此尤豈不擊節興想遂錄答六首其
亦新年之志也是日立春歲除

東京梅發憶前年嶺外春盤却自憐珍重故人同此
意緘詩百里到吾邊

其二

大嶺生春又一年異鄉相伴倍相憐閨梅消息今何
似欲採餘香送日邊

其三

此夜盃搏惜此年燈花似欲向人憐簿書冉冉催身
老慚愧儒冠在鬢邊

其四

帖子題詩答歲年人情物態到堪憐就中差是娛神
處無限春山簡牒邊

其五

忙底消磨許大年憐吾還復向君憐如何共擲腰間

紱隨意消搖寂寞邊

其六

袞袞英豪已昔年竹溪遺勝遣人憐他時若遂同歸

計二逸名齊六逸邊君將占竹溪之白雲洞余亦有惠好之意

正月上旬與花山伯期會陶淵之仙刹路中口

占

何處無僧舍今來為友生白雲山路遠春日峽江明
相應須關氣漫遊豈近名仙門定先後誰使待誰行
取拈僧軸中前人韻與來初各賦三首題仙刹
及石門之落淵崇禎處士瓢隱金公是楹之遺

壻

泠泠雲峽我來今君在仙樓春雨深叢壁幽光宜鳥
性一溪清水證人心鑪香藹藹委蛇語樽醴涓涓暇

豫吟安得此間携數子白蓮奇事與重尋是行來初先到待我

於山樓曰雨留三日共話白蓮前遊情境依然右仙刹

石門奇賞得吾今滿目玲瓏造化深方赴壑時渾是
氣到成淵處欲無心神微可怕雷長起坐久如聞龍
一吟禹穴迢迢更何在曰茲却擬去南尋

右石門落淵

谷口蒼茫問古今荒碑無語夕陽深百年堪涕中原

事四海同悲志士心舊里約分門柳處遺詩剛半墜

吟吟狂歌一曲臨溪水溪上青岑忽萬尋墟有碑福泉吳尚書

題之曰崇禎處士之遺墟琴召李處士銘其陰齋舍歲遺稿數卷可觀墟前有大川川上翠壁奇消如畫

右崇禎處士遺墟

鳥嶺

正月望後赴盟祭向京到中州聞退定報復路還過此偶吟

鷄鳴約徒旅蓐食上鳥嶺行行至日午猶是在嶺行
去聲路中多石子誰能不履此我向石子祝莫彈我馬
蹄我馬臨遠途蹄傷難致余

苦樂行

樂亦一時樂苦亦一時苦樂長不知樂苦久還忘苦

吾觀對樂者在始欲蹈舞少焉不專聽及終如無覩
且看惡食人猝遇若嘔吐一宿能耐喫再宿甘於乳
推之莫不然詎遽一二數珍重世上人苦樂休喜惡
樂亦一時樂苦亦一時苦

維揚晦谷族兄

梓

春初到余所迤邐南下蓋閱

月而後回到花山窮道行色殊可愍然從府伯
得余仙刹詩步韻寄來輒此和呈

鞍馬駸駸遂至今也應添個鬢霜深風塵濶窮途
義天地崑崙壯士心過嶺征袍渾敗色入春詩草半
愁吟斗間回首憐埋劍奇氣年來減幾尋

花山伯棄官歸病未身別替以三絕

郭外晴沙晚惹塵江南二月野桃春政成揮手飄然
去不負嘉州不負身薛能詩曰不負嘉州只負身
陸游詩曰此身不負負嘉州

其二

春衫歸騎且踟躕莫是湖邊重別離他日永嘉新樂
府梅花三疊女郎知詢來梅花酬唱
妓輩能誦之

其三

草綠南湖君去時嶺雲回首倍相思山衙益省春來
事閑閣郵筒不賦詩相堪

龍湫謫謫

謫謫花開鳥嶺高碧潭千丈耀丹臯遶潭萬樹繁紅
錦潭底龍兒性也豪

南征聯句

余以不及盟祭就 拿經勘後取路竹嶺還
官春節亦尋其堯率寓所同行

初日東門外聯翩向嶺行蕙天時當小滿雲物媚新
晴少憇關王廟遙瞻温祚城春金湯歸失險今古付
吞聲楓關回頭遠松波倚棹輕蕙淡烟郵館靜殘月
旅眠清春行邁朝仍暮川原上又平荒芳時住馬溪
藪或聞鶯蕙赤景烘張傘黃埃撲滿纓生憎襟人態

何許野舟橫夕店逢朋穩晨江見吏迎那堪長路倦
剛喜上牢盈春鞞輔拋中道舸艚駕丈泓向來行役
重特地卧遊羸好榭江江得款歌曲曲生潭霞同撫
舊瀨月且傷情濁世全人少深懷與子評蕙山河增
感慨杯酒露崢嶸取次樓巖出依微石塔呈魚鹽灘
市鬧榆柳巷門明欲傍琴臺宿如聆虫鶴鳴春平流
尚寬氣昭代有恩旌灑酒疇江鬼催檣趁水程沙禽
乘月起浦屋置崖傾晚泊黃岡曲閑憑白版楹餘氛
迷壑桂遐思洗汀蘅水勢經灣劣灘聲八峽轟篙痕
較轉減石齒露堪驚已覺行舟澁重謀向陸征囊錢

謝梢子峒路問山芒蕙乍跋虛堂燭因炊曉站鐘携
君八丹峽疑我待黃精境僻應難到峯奇未易名心
魂轉慘憺造化幾經營潭黥輒停舫童清屢進觥北
阿騰吉氣吾友有先塋謝世宜回駕求田約耦耕巖
雲違躡屐嶺兩巧遮晶岷表殊風壤并鄉亦豆羹前
丘真我所俗子遣誰爭春高卧情堪羨低回色自駢
一枝身苦拙五斗筭非成雲壑長依夢春盤舊有盟
滄浪清不盡從子濯吾纓蕙

答寄丹丘宰洪兄建春

尚寅

嶺外何渠盡左除使君官興未應踈蠻姬遶座傾歌

籍溟族登盤檢膾書敞閣深盃輕瘴氣平臺閑眺趁
春餘最憐小兩明沙路隨意紅棠點醉裾

其二

紫溟青島映軒除公事仙衙日正踈官吏臨渠班夏

令岳僧留席訂何書

人有自貴府來者言邑民因旱
爭渠官為定吏掌勻溉之政且

太白僧過余言向為東
關所挽留數日劇話云風塵倦宦惟吾輩嶺海漫遊

亦 聖餘不信杭州隣越郡遞筒猶濶况連裾

其三

身邊帽笏我須除俗物終於傲吏踈案外山明忘點
簿樽中酒碧待澆書經宵砌筭添如許帶雨池荷欲

丈餘官解故連松桂樹等閑零翠上衣裾

其四

鳥語南榮又北除峒民元與縣家踈官牀饒睡拋詩
課京輦稀親省簡書農政只憑春寫了衙期常準午
蜂餘何時去把洪厓臂碧海丹丘笑振裾

曾與春節李君有新年酬唱詩共言及春謝官
之意矣春節果已不負詩語歸卧小白山下得
逍遙自在顧余則至今遲回欲歸未歸甚可媿
也即與春節約為陶山之遊路上回憶前詩尤
令人邑邑遂更用其韻口占去示春節

新詩曾共志新年此日憑風費目憐何限名山何限
水盡輸清福向君邊

陶山

洛水清澹澹芝山碧峨峨雲丘箴一曲窈窕溪翁家
精神在庭塢光惠及谿訝至今巖棲軒巾屨暖婆娑
斯翁我夫子淑學範東華河驪不世出威鳳欲如何
肫肫一字符俗儒妄闕涯微化久將湮周道荆榛多
假路資蹇超竊言文詖衰爭將潢潦汙承彼洙泗波
盛德諒何損後人所竊嗟徘徊倚門墻日暮欲悲歌
愛日堂

芝山一曲葛仙洲亭下垂楊繫客舟沽酒欲聞漁父
曲滿江斜日起眠鷗

古意

荷花過人長蓮子青如水清風盈我閣幽香來未已
日暮碧雲生佳人不在此折花欲相寄將折還復休
一花非所惜道里良悠悠

南亭待春節愆期

脉脉依秋荷暮雲還復多明知在中路來日更如何
撥鵝亭次壁上韻示亞使

青山如畫水如天人在闌干十二前玉塵清塵先輩

遠茂林秋色向誰妍
書經觀裡鴈棲戶
脩禊亭邊客倚船
猶待子猷乘興至
滿溪明月不成眠

重陽次亞使

繁露重陽夕
山陰嘉菊開
人情憐晏物
秋意媚崇臺
淨語江生座
清歌月近盃
當時王謝輩
枉趁暮春來

次壁上絕句

家家竹所映
秋濱白露清
商一夜新
等閑帽笏纏身
在徑造風流
媿與人

自山陰入伽倻

江南江北早鴻多
白露團團野菊花
看盡山陰萬巖

壑秋風隨意入伽倻

谷口

盡日歲蕤水
秋光澹澹中
同僧坐幽壑
無語看丹楓
俯仰山雲白
然疑石字紅
東峯迷玉笛
何處覓仙翁
寺中紀覽

一柱門前攬紫烟
眼中金碧晃山川
僧房蜂窠三千
椽
經閣牛孱八萬編
提督紅兜神定護
誌公銅鉢法
真傳仙樓靜
夜風琴語雲鶴
依依下洞天

絕句

武陵橋下水悠悠
學士臺前木葉流
玉笛千年吹已

斷碧山秋色至今愁

丹楓次僧軸

遇此誰能不叫奇滿山楓葉九秋時臨溪一樹尤堪
愛欲把煩僧揀一枝

宛在巖

山阿桂正華中谷蘭自香我懷良悠悠伊人不可忘
嬋妍在我眼眼佩何其光或意西臺遊况復東峯翔
東西俱不見宛彼水中央

次贈關東亞使李持國萬維

地僻迎人少君能枉騎過年華看正晚風雪坐來多

小燭深深語虛樽浩浩歌海山遊已遍佳處謂如何

龍城次主人詢與主人同遊搜鵝亭三首

吳中山水客初回更向羅浮越約來無恠使君添白
髮詩愁近日八新梅縣有羅浮山

又五律

清樽留遠客星月動虛譙秉燭憐華髮徵歌見細腰
烏啼闌外樹梅發水西橋江漢知何處絃中子夜遙

又七律

盈盈邀我上官除白髮蕭然世念疎和酒生春龕裡
樹與詩分日案頭書芳筵華燭移丁後綵妓清歌歛

笑餘厭聽陽關三疊語明朝前路有分裾

時妓有唱渭城詩者

就館後主人又書送絕句亂答之揀留四首

傲吏梅花下詩成到我邊依依餘興在回首想芳筵

其二

筒奴來復往直到五更邊詩牋凡幾紙蠟燭已堆筵

其三

倦馬殘山外寒颼曉角邊縣門臨驛路太守慣離筵

其四

初日蒼蒼外寒雲淡淡邊歸程當過此更擬上賓筵

謝機師惠山果

山僧摘山果因以山葉裹來遺山衙吏個個山中味

一嘗還一思煩君莫復爾山中多猿鳥秋料正倚此

機師次余謝山果詩袖來見贈其意鄭重遂再

用其韻答之盖寓張子英才被驅之嘆不知機

師有否

世遠百家岐種種殊結裹莫言儒與釋由来等風味

但是惺惺法初不聞吾爾乾坤非幻妄大道明如此

移梅

寂寂梅花久所思使君元是淡生涯山衙歲暮無公

事移簡西湖乞一枝

其二

峽裏為官好是閑庭衙終日不教喧却於沽酒求書外更為梅花擾一番

早朝

清朝官角睡初回霜日微紅八檻來幽鳥近窓啼不去似知東閣有藏梅

又題

意中無係物難捨但梅花瘦韻凄猶穩明姿淨不奢如今當暮歲相守在寒衙最愛深更枕幽香分外加對花懷春節

歲暮天寒一两枝苦心初不願春知正看特地催芳信聊倚幽香起遠思此外論花空四海何由對子叩新詩永嘉三疊還如夢曙月昏參獨立時

世常以離騷遺梅杜詩欠海棠為病余遂戲成二絕題梅龕面為二家雪冤且慰梅兄之意

爭為梅家枉楚騷屈平千古怨何如江潭詞賦多零落不是離蘭可壓渠屈賦不應無梅意失傳耳

其二

佳句驚人杜草堂八詩花鳥與生光當時向爾偏幸興暇有閑情到海棠杜詩及梅處最多故云亦取介甫之論耳

江南行題梅龕且寄齊節

蕙子遊江南江南何所見江南無所見江南無所戀
所見惟梅花既見亦可戀蕙子在江南江南有梅花
梅花耀江南江北為之華江北有佳人綽約如神仙
風流生縞袂淡月臨朱絃凝睇惜一笑萬乘空轉輾
白兔傍赤狐須臾那得辨可望不可親誰知梅花是
佳人

從兄子衡氏自京來商山族叔公望氏亦來會
設筵以相樂酒闌商山叔勸余重步梅龕諸詩
而刻燭為令遂自持筆促之不獲已任醉亂號

醒後檢看粗胡可愧而亦不淘削並依醉草存
錄者詩家真率之義也

江南無限美人思嗟佩即當死彼涯日暮梅前途驛
使明朝且折可憐枝

其二

俗吏誰如此吏闕公庭但許鳥烏喧綠樽清月賓登
席共賀梅花又趁番

其三

青草池塘吸夢回紫芝商嶺罷歌來官宵華燭深深
語一半詩情在小梅

又五律

恠底華堂席深冬見杏花翠憐雲髻遠紅愛茜裙奢
興到時依瑟慵多任開衙檻梅虧不惜為是酒籌加

又七律

攀花偶是最高枝出世初非願世知久矣田園陶令
賦向來江海楚臣思平生計活偏於酒未了回緣獨
有詩官吏莫言公事急使君方是看梅時

又七絕

梅下清吟赴楚騷使君風致晚誰如水曹更莫誇詩
興東閣如今可貸渠

其二

清歌艷瑟在中堂綺席煌煌蠟燭光子夜忽聽漁父
曲意隨明月到沙棠

和贖沔陽李上舍錫祉

沔陽李上舍踰嶺過余山衙解后慰可知也
當還作詩留別且索和顧余薄業亦在沔陽
勤服其中粗可以供飲啄而潦倒世路可歸
而不歸至今為五斗所使奔走於簿書期會
之間口未嘗一日不言歸田事而既又泆忍
周歲于茲矣今送上舍歸此懷尤徘徊感慨

遂漫錄二絕呈似不專為區區別離之私也
河南生理謂何如飯稻羹魚樂有餘五斗長腰吾可
笑等閑烟壠廢春鉏

其二

為向長沮且寄聲十年人世媿前盟公餘已就田園
賦早晚歸來議耦耕

丹丘守次花字寄來更吟

寂寂發孤笑人間無此花性羞凡卉熱芬謝狄香奢
遠思依朝檻清詩到雪衙瓊華君不見無那幾枝加
贈朴生恭臨時余竹馬友而朴士賓之庶弟也

梅發故人至酌酒青琉璃相看覺蒼老依依竹馬時

其二

如玉君家伯葵之何處山遺詩之在篋欲問淚潛潛
丹丘衙遇姜上舍尚者次贈二首

抵老棲棲謝帶經祗今誰記詠凰齡黎翁才命悲齊
瑟工部生涯憶夢萍暮歲單遊危鬢白官宵一笑小
燈青使君新令多風致每遣詩功趁酒醒上舍嗜酒主人輒以

杯為令

又

迢遙暮嶺外蕭瑟一驢兒歲月詩中得冰霜鬢上移

梅花看正好樽酒喜相隨長路無時已明朝更向誰
更步上舍韻題主人梅龕

官梅正如許水部在揚州觴令無衙放詩程較牒優
瑤華留遠客明月得清遊對此同悵悵佳人隔海立

其二

輶與儂梅別丹丘又見梅可憐東閣在如待北人來
澹韻春生檻幽香夜度杯詩家偏感物將去且徘徊
姜上舍自丹丘凌嶺委訪除夕前夕也次贈

峽縣稀民事公門為客開登盤憐細菜憑檻詫新梅
旅思迷寒勝年光八淺盃情知滿嶺雪君自此中來

其二

把酒梅花在丹丘昨日遊山衙又此席君子更何愁
天地年華暮原塗冰雪脩如今行役重須為故人留

題仙訣

今古人人枉見欺本無丹在更誰期不須先說劉家
帝直自松喬已好癡

明皇翫花圖

睡起君王正賞花衣冠朝聚國忠家就中知有哥舒
使帶表人騎白橐駝

追次春節除夕詩

向余於除夕漫誦高逵夫崔禮仙詩數迴不復別有所作此固不免犯戒於疊山而獨似依守須溪之律令者非真依守也特懶廢而托之於此也今吾春節客在二白山下當除夕輒次禮仙詩寄來數百里外故人蓋其道豪氣性不拘拘於前人之已言而辭語之勝亦可以同際於亂山孤燭則其視寂寥尋誦而止者為如何也山衙得此感愧欲狂遂奮筆槃薄而和之即又專人錄奉此亦古人詩道之餘也未知春節以為然否

冰雪迷虛嶠年華撫此身梅花孤似我幃燭耿依人策澗空憂世官微晚為親峒兕渠自樂簫缶解迎新去歲之臘與春節李君期會於鳳城之望仙庵余適有官冗差日始赴至則春節已到一宿矣山樓迎笑調以後期且傳鳳城使君留詩事蓋使君以好意隨春節來此待余不至而有公事不果待也聞之意甚悵然翼日遂同春節赴謝山衙識面劇話分夜喜可樂也歸來尚有餘懷輒依留詩韻和成三疊錄奉使君兼示春節求正

住處餘薰尚未寒使君前夜宿雲壇從來俗累妨遭際可是山僧惹話端晨壑數鐘那得寐雪燈孤酌不知歡牀頭更拾留詩看落月依依度石巖

右奉鳳城使君

中阿表立竝僧寒邀我盈盈上桂壇遙壑晚雲情未已薄林幽鳥語無端祗今好勸青山約此去同期皓首歡珍重夜牀商略意鳳城來日更團樂

右奉春節

一笑官樽破夜寒人交那必盡鷄壇華燈秀瑟當筵曲清月梅花在屋端岳寺留雲知我恨仙衙繫馬見

君歡鳳臺更有青蓮子二水三山共倚樂鳳臺故邑號

使青蓮謂春節二水指縣前兩川三山二白清涼當之

右紀翼日會筵

南亭種花

日暄人氣舒風和時景嘉國小嘗豐暇春來况簡衙晏館休翰墨鳥音看正加及此前山雨可栽南亭花南亭亦非遠方塢遠塘涯依方攷前譜列品選奇植務自罕人功政非擾民家眇昧引遐情即事可興嗟我廬是京口園圃有幽華三年棄不治紛蕪蔓樊笆徘徊悵夙轍滯滯媿文綯且寘南亭花歸鉏東門爪

理埭

官埭何威紆官東復官西埭上即民家埭下有橫谿
前年水上坵去歲泥平隄今春又旱水里兒夜恐啼
謂兒且勿恐官為捩水蹊水低埭如山埭樹烏可棲

其二

西干服西渠東閭趨東溝量區幸勻功分耦以互謳
婦女戴筐餉缶酒亦已篤老翁扶杖去且語立道周
此務利在民官豈為私謀子弟且努力無貽官長憂

其三

三朝人在埭三暮人在埭人在埭兩邊見復在埭內
埭完人始歸埭深牛隱背流川逝泱泱榆柳景曖曖

人歌雨中起踰埭赴鉏耒田功且勿急秋社有豐賽

思人

濃柳深花午睡闌齋香留得半鑪殘悠悠自可送長
日最苦詩成無與看

其二

空山坐我碧雲寒亭北幽花昨夜看游子春衫春草
色江南回首路漫漫

春節時作湖
南觀行未還

春日峽行

峽裏崇朝雨晴來更好風幽雲生澹碧華薄有初紅
峒戶蜂遊亂崖田犢跪工山翁分別少應恠我行忽

丹丘觀海用李達韻

朝朝日出海中雲拍海魚龍定幾羣大地河山空見
在兩維風土實橫分春來水樹渾如夢坐處鸞簫渺
可聞東望樓船長不返童男千古負愚君

登樓示主人使君

衣冠多病客天地倚樓身海氣渾如霧蠻花易得春
文章慵吏役消息阻朋親係意靈丹在須君訪羽人

滯雨戲作

海雨連宵客未迴官花作意瘴中開蠻姬強解留人
計一曲春歌笑進盃

夜月

把酒蠻花亂春宵錦瑟鳴天風吹海月故故近人明

高臺曲留贈主人

日出高臺上照此官前途官途有行人芳草滿遙衢
令德為倡歌徒御去踟躕豈止歌聲好童子顏色斂
春風為我起碧雲迷海隅

野鳥行

田翁駕牛耕野陌野鳥隨後蚯蚓得願翁撥籥與彼
鳥無使蚯蚓為鳥食鳥到不饑猶啄此吾將去請城
東之少年少年袖中有彈丸彈鳥殺鳥何憐

感物吟和丹丘見訓高臺茅二章之意

君所正飛花陌柳向藏鴉我處春未開山木曾冰峨
天候隨區異此遇不足嗟在今良已鈍氣至終亦嘉
蚤亦一時華晚亦一時華縱使終不華茲理詎曾差
所以達觀士凍餓日高歌

贈鳳城舊使君別三首

山水為官豈俗負簿書終是累吾身方知吏隱輸真
隱占此誰非護短人吏隱二字真正俗士護
短語余作吏尤覺之

其二

人到休官始得高使君揮手返林臯鳩鳴鵲乳春風

晚溝水東西見野桃

其三

匹馬迢迢度嶺時嶺雲和日為君遲山僧與我分招
帳又失黃池太白期徐與使君及山人鶴琳
約以乘春採勝不諧

寒食

南楊北柳任風斜燕黠鶯嬌趁物華兩歲蕭條逢熟
食一官淹滯作生涯峒湖晚釣分公事烟壑春犁羨
野家京口迢迢兄弟遠共誰今日藉梨花東坡詩共
藉梨花作

丹丘守有書稱歸田散人蓋將棄官也以詩戲

之

碧海泱泱不敢清比隣三載見高情如今却帶些兒
累未到歸田攬好名

真城志感

人事傷心地如今五十秋吏民看在沒垣礎有應不
小兩迷春角繁花近晚樓合江清不盡吾祖政悠悠
詩答真城宰觀魚之約

蒺藜花滿水東西小兩明沙欲上魚好是山衙公事
少等閑移牒為觀漁

縣中十詩

不佞守茲土既三年國小衙簡長夏尤無事
閱邑乘輒採祠社人物山水之勝為古詩十
章章八句以備峽中古事云

英山書院

院在縣東一里即溪上老先生俎豆之所縣
屬真城時所創從姓貫也以鶴峯金文肅公
配公之先曾寓是縣云

華丘靜楚楚流水遶明垣齋宇中肅穆冠帶儗如存
百世惠我人况復在及門裴回起遐感中訢聊采繁
英毅公廟

廟英毅南公之社也唐天寶中大夫金忠奉
使海夷舟逸泊于我不返仍居于是縣新羅
某王時也以其自汝南來賜今姓改名敏卒
謚英毅邑人至今謹祀之廟在縣衙少北

天地曠悠悠四方由一字所居即親好何必念舊土
彌彌億孫子邑人有馨稊魂兮無顧思安此以萬古
瓢隱金處士

處士名是搵鶴峯公從孫丙子後遷居除官
不就 命人有語及 明朝事者輒淚下自
號瓢隱鄉人稱 大明處士眉叟許先生銘

其碑曰碩人之貞曾寓縣之大青部曲云

天下廣且大萬國紛屣履茫然左海外誰知有之子
我豈為人知天彝固如此山河白日暗苦心何時已
趙吳二孝子

二孝子邑人趙早孤有祖母母當冬而病思
食魚趙走水上下求之忽有錦鱗負冰云
吳童子時羣盜入室刃劫其父吳身翼之被
創六七而愈翼之不已盜相顧釋去遂得父
子俱全此皆至孝所感者然也鄉人稱羨之
久而不衰趙名儉吳名三省士人也

至誠無不感冥昧氣亦交當鋒盜閣劔泣冰魚八庖
此事聞往丹今日見同袍我言如不信聽此邑人謠

村孝女

村孝女縣中村女今日春是也女既嫁產育
一日愍其母年老無他子女可依者勸夫他
娶已自謝而歸養旬貸具衣食不置且死衰
經哭泣甚哀鄉里之父老咸曰孝女也今存
白楊初生時乃在蔚然山身雖委匠用根在蔚然山
此理人鮮知况在村女寒劬勞恩同極情愛却輕歡

日月山

在縣北四十里為一邑之鎮山臨滄海見日
月出故名或曰山頂有天池狀如日月故云
水旱禱之有應

蒼蒼二百里關嶺勢橫分山委從太白江水此發源
高顛拂我衣日月騰海門水旱民無恐靈惠不可諉
七星峯

在縣北二十五里石峯成削離立色蒼然從
西二峯從東又二峯中央一峯最北二峯特
高高者千餘丈低亦不減七百八百落落如
招搖故名其下清流翠石可坐

叢峭束千丈，詭色薄青冥。列以應天星，疊以為雲屏。
須臾紛異觀，更知難為名。峯東有孤屋，無乃異人停。

仙遊窟

窟石室室廣一室有半，其長十餘室，宇簷壁
奧堂隍階，无不具，皆天作也。前面通明，無
隔湖水，繞堦得上下十里，水清見石，可網可
泛舟。南岸白沙青松多，海棠在縣東五里圓
塘谷。

雲戶何窈窕，堂奧坐可數。清風在翠戶，颼颼從太古。
顧笑上閭豪，木石勞匠斧。安得期羨輩，與之為賓主。

立巖

兩山壁立南北相對如門，南岸有石屹立臨
湖水，殆百丈，望之儼然，即所謂立巖者也。在
縣南二十里。

岌然雲霄半，肅肅多威儀。焉得如君者，公車貢
王闡。可以坐廟堂，可以登臺司。不幸當禍難，特節非君
誰。

靈穴

有泉出山上，巖竇水旱無盈縮。以清濁占歲
豐凶，故得靈名在縣東五里。

山徑橫古今山穴儲名泉空泓日夜幽泠泠如有存
父老視穴喜今年保有年我稼鬱如雲我庭三百困

追書縣中十詩後

賤什既鉅揭追徵諸鄉父老之能言故事者則英
山書院之設在縣屬紫海時崇禎後十一年乙未
云余之粗得於傳聞而紀之者妄矣且鶴峯公謚
為文忠而紀書以文肅亦錯考也甚愧不敏失勤
斯役仍懼歲邁事違遺老盡而流俗承訛也輒此
退書板左以補前失覽者宜詳之

怪蟲

怪蟲多於蠶食穀如食桑朝食我黍苗暮食我稌秧
田家種此時蚤夜勤苦長勤苦亦已生解顏祝穰穰
媚子惟終飽翁擬免逋倉一朝為爾食田家寧不傷
謂蟲寧食莖無使其根亡莖斷尚可萌根亡更何望

淫雨

怪蟲食野已無多淫雨漫天更奈何近世黎元稀樂
歲平時災沴代兵戈脩原漠漠人相望古峽陰陰鶴
自過屋雷庭渠愁頰洞又聞墻蚓引荒哦

和東厓李泂

十官嫌失布衣高歸卧山南有舊臯吾道本知隨處

穩俗人徒自泣岐勞巖棋引客花當局湖艇看魚水
半篙麥飯蔬羹身計足鼎鍾寧羨洛陽豪

和西寓

城西第宅鬱如雲何事栖遑嶺外村閱世已嘗淄市
酒銘身曾有塞翁言湖樓約耦爭霜鵠岳寺期僧對
月樽時向東華流一笑幾羣衫袂軟紅痕

寄李和國萬寧

日暮山中看碧雲林花應晚小窩春無情一曲陶淵
水流送當時返棹人和國曾到
落淵徑歸

其二

前臯倦客去何之蕙圃先生病卧時山社寥寥多少

意裁書說與故人知春節曾寓竹
溪之前臯

和鎮花

白馬閑嘶綠柳陰鎮花堂裏晚花深非無係意山西
盜終是難忘洛下吟詩和峽丞緘彩紙曲傳筵妓度
瑤琴東京甲第歸新貴可耐秋霜滿鏡侵

途中

秋虹一百尺餘雨近人斜迥野烟銜夕幽洲草變花
簿書常感物行役更懷家要識西山思非關爽氣加
南亭有思

南亭坐晚柳清睡可能長荷氣幽通戶池光澹隱牆
和詩憐沈瘦留席悵荀香西北將成望聞蟬更若忘
聞安陵棄官歸錄寄三絕思卿時為安陵守
一夜清商振野芭飛飛倦鳥欲何巢歸田豈畢徵君
事高處要看在息交

其二

漠漠秋陰滿道周夕陽無語倚高樓蘭蕭等是人間
草楚客當年枉費愁

其三

行人日日自東西崇禮門前即廣堤不信莊周曾曠

達區區欲把物相齊

謝族姪禮卿騎曹名必龜號耕隱

知君不記馬寄我有新詩千里聊光惠三年曠別離
榭薰回雨發林意八秋移西北無窮思雲平日暮時

再理埭

春埭為夏水所嚙幾盡圯再役民視春加切
始完埭兩夾長各九百丈高劣丈厚如之上
殺南西置兩橋南橋五架西橋四架用人力
二千一百八十五工歲甲辰七月既望也

腐儒為邑少長籌春埭無功更事秋陳穢誰知單子

歎宋皤愁答役人謳晴天野色連橋入落日虹氛帶
水流不省麻姑消息在屬新猶作等閑憂

水明樓曉吟

樓金都事
昌錫舊居

峽瀨秋聲曉更哀半樓西月夢初回憑欄昨日分明
得枕上無端作雨來

隱社錄

甲辰上元前二日春節李君自竹溪寓凌嶺
來惠遂結社於兼隱齋中合首尾唱誦諸篇
而命之曰隱社錄

春節來赴詩社之期喜甚得東字同賦

西北有橫嶺峨峨冰雪中故人從此路今夕見高風
秉燭梅將暮啣盃月在東由來皓首意明德與君崇
上元用唐人十五夜望月韻錄寄紫海使君洪
建春

山衙日暮對歸鴉消息依依隴上花碧海丹丘知近
遠玉簫明月是仙家

望月謠

莫惜上元日去望上元月且望上元月且聽老農說
去歲月上南芍藥田野荒穢人事略今年月上東芍
藥芍藥之東我心樂此峯驗月七十年往在孰年今

歲若兒孫肥牛且脩犁明朝輦糞家南陂高畦種粟
粟如樹下膝穫稌雲旖旎輸官可免賣黃犢且餘盃
庾給我私我聞此語向月謁歲歲長如今歲月於乎
歲歲長如今歲月

東厓李文至同賦曾字述喜

詩社申盟事可稱丈人命駕料何曾樽前樹氣浮春
嶺閣裏梅花墮夜燈宇宙百年吾輩晚衣冠一路向
來澄憑君但叩雲山話此外都無與峽丞

襄梅得深字

閑愁近日為梅深珍重殘花可抵金已是依稀前歲

事可堪惆悵北人心鄉書欲寄迷春鴈峽夢多端爛
夜參別浦仙家曾有約且留芳意與瑤琴

送人塘送東厓聯句

春雲澹如許山日別來低蕙岸席歌餘煖汀烟爨後
迷節吾猶此水上人已亂峯西蕙何限晴塘思沙禽
約略啼節

和人

將軍弄柔翰 聖代少邊爭製曲參都護為文倒子
荆通肩與兒健千首覺侯輕何限韎韞輩吾知是老
清

丹丘疊韻和主人使君丹丘一號

昔歸嶺何峻今到嶺還低此意人誰察君家路不迷
紫簫雲鶴外明月海梅西宛轉琴中語城烏子夜啼

丹丘行

余與春節為丹丘暇豫之遊歸路口占錄寄

仙宰洪建春樂府上陵體也

白雲何旖旎丹丘東海東仙人鬢眉青邀我入瑤宮
芝醴為我羞坐我芳菲筵右携青蓮子左化洪厓肩
王喬奉靈丸丹顛正勻圓逝將獻 明王明王壽萬
年

上嶺行

春節止丹丘余獨還登嶺顧懷心焉依依效
樂府之車遙遙為古詩一章錄似春節

悠悠上彼嶺嶺途何威遲威遲猶可進我思忽如遺
本圖相與俱如何不我私今日已晚晚來日更為期
我有文漆琴朱絃十二絛彈成古八變寸心君始知

丹丘戲作聯句

老去風流已太低無端小女近牀啼睡早知萱蔻春
心遠寧折章臺灩漫枝蕙章臺指實境

如雪梅詞

追行昨日聯句中豈寇之意作如雪梅陌上
桑之遺也

梅花明如雪寂寂依丹阿使君從何來駐馬暗咨嗟
梅花謝使君不願承顧笑豈無篴管感良畏簡書謂
陌上有名花請君幸移車

名花暗對雪梅亦使君宿眄者

子夜歌

春使君未就新歡回扳舊綠忙蝶怕花光景
絕倒遂賦二章以補古子夜變餘意云

即就他儂寢不與儂計較他儂不迎即即忽向儂笑
其二

即自念他儂儂豈無他即但為疇昔好容即在儂傍

麗鳥詞

丹丘使君和示如雪梅詞語之間容有不可
不報者輒復賦寄古風一章以麗鳥為名使
君以為如何

麗鳥何翩翩南楊與北花北花如靜艾南楊如惡蛾
無心迎麗鳥麗鳥猶自多旁有無文禽高飛惜所止
麗鳥且勿笑所慕不在彼

如雪梅詞以下諸作出於一時戲劇多落艷
體男女粧席之語固不害於風人情性之正

而一味濫觴莫之或節則易趨於鄭衛繁音
齊梁靡語可不懼哉繼自今簡遞往復用以
為戒一切屏去此等體惟以伯仲箴墳之例
共勉皓首崇德之義如何如何南嶽諸篇自
是前輩風流盛事而朱夫子尚以流於荒戒
之况此治詞褻韻迭唱交和其為詞學之累
又不特流荒之歸而已者耶既以此自警又
不欲獨私輒敢舉似以聞惟高明之裁之也
來淳拜睡堂洪君足下

疊韻錄寄丹丘

縹緲仙衙海上高一盃閑進紫霞醪丹丘羽客應相

見試借靈方禁髮毛

向見使君以鬢髮始變為歎故結句及之

簡招機師

韻釋天機在日月山中

罷嘯梅花下裁書送白雲春衙長日睡期與岳僧分

機師至得何字

李子同吾笑高僧際暮過春衙虛席久雲峽一書多
砌鳥晴窺閣欄花靜墜槎看菴應有鶴山月意如何

和機師

社會吾今得僧來意更遐幽詩將軟語一一赴梅花

附機師

太守無公事山僧意亦空梅花分一笑詩思到春風

仙遊窟

東南有浚谷淑氣儲中丘仄蹊既窈窕迴沚亦紆周
初松蔭邃廣文鱗游漫藻衰回不能還且欲百年老
此意可常念豈以簪組移眷彼林中士舒膝歌嘻嘻

贈歌者趙源得情字

紅闌綠水少年行樂府猶傳第一名白首江南無舊
伴禁城花月夢中情

詩社將罷尚有餘意共入清涼為離合會途中

口占聯句二月五日也

欲別依依且共將不知前去準何方蕙差池客夢迷
千峽招帳梅緣了一觴節谿水威遲隨我遠谷籃蕭
瑟帶僧涼蕙今宵判宿蓮臺月春社留詩課更長節

紫皮峙

緣谿了初日得路忽崇阿東北千山色肩輿一笑多
清涼洞口得山字

詩緣元我輩此會又名山老大須千古風流共倚攀
晚心碧雲際仙氣紫峯間撐拄蓮臺月興闌方議還
到寺得羣字

過橋凡幾住八寺已危曠可處須開社何樓去得雲
山林看此道江漢憶諸君硯北迢迢意空光鶴數羣

硯滴峯左右
有鶴臺鸞峯

羅漢殿南迤二百趾得一巖下臨窮壑前對藂

壁可坐而賞也巖名徵僧不得遂相與命之曰

吹笛臺以補慎齋之闕時宣城笛童隨至蓋實

境也輒聯句留付居僧以備他日山中古事云

蒼臺倚笑玉峯高蕙一遂林中更寂寥節鶴外仙翁

如可見蕙紫霄清月思迢迢節

又五絕

遠壑截禽靜高巔送遂遙蕙巖臺僧嘯空色映林

椒節

次韻題策上人詩軸

寤寐來名山高庵借一宿晨爐佛氣清媿我迷葷肉

山樓有思聯句

澄江淼淼碧雲深蕙怊悵靈芝不可尋節何限幽樓

鐘後月蕙萬峯愁思綠蘿琴節

向滿月菴

蒼蒼八空翠何處意中菴中峯忽異境風雨自東南

下滿月

山日澹初夕山風吹我衣癯僧念珠坐漠漠看人歸

離合詩二月九日也

昨日樽有酒今日川無梁行人固念路為子重彷徨
寸心可相知山中桂樹長

下山寄春節

汗漫同吾子清涼卧雪天今成下山坐昨日事如仙
迥鶴丹簫外靈華玉井邊携來詩草在披處見雲烟

隱杜續錄

罷社後筒適往復及中間會合時所作諸篇
一一摺拾附錄于下命曰隱杜續錄

戲成錄答

故人書到索春詩欲報無詩幸有辭宇宙論詩三十
日如今更覺就詩遲

寒食翼日發向浮石赴春節之期也谷路偶得
一絕

山花憺自在谷路深周旋行到水喧處我心還寂然
路中念春節先至

行野度脩川川上明春花惠風為我來之子在山家
山家誠易知山日澹已斜豈欲在君後道里良為遐
到寺春節尚不至

楚楚巖上花晏晏林中翼登樓不見君白日將西匿
樓下俯長塗長塗平以直君馬皎如練君來可辨色

合席

與子登樓欲暮天山河滿地思迢然仙僧去後花空
在古寺春光一萬年

南溪行

洞裏饑龍夢中舞南雲北雲紛如雨荒溝古水光瀾
漫蓮枝不長蘅葉苦江干仙老真可思撥琴悠悠遠
古絲清流白石不可掃明日更來知為誰

聚遠樓各得官天字

東南有高樓勢大彌崇玄河漢可承際星斗流我筵
羲和驅日車往復在眼前山川湊如掃一氣但蒼然
帝居列春榆日晏休羣仙顧視世上人冠蓋自相牽
須臾閱靈變不復辨人天哀哉新羅國城闕為畊田
英豪葬一丘埋沒復誰傳黃鵠橫天去雲物同翩翩

申潭

嗚呼此昏朝處士申上舍璫之舊居也苦操
特節殆令人感慕無窮輒次金志窩韻付其
子孫潭本號薪潭而余敢改以今名者取其
音似而得存因人著名之義也

江漢盈盈水乾坤獨往時碧山迴壑遠幽渚數巖竒
萬古人常重當年世道衰孫守茅屋揮淚問遺詩
上舍歸隱時自大學步出漢江船父諦視異之追送
幾程云前四句一作白日深深地乾坤獨立時青山
迴壑遠流水得巖竒

聯句留贈學習

客意蒼茫欲下樓蕙山僧珍重有何求節浮雲流水
渠生計蕙不必詩緣在念頭節

下寺

一柱門前斜日暉林花脉脉照春衣老僧不下山樓
別意隨流水送人歸

影池

半畝綠以淨臨之不可唾照君冠上簪映我衣間帶
鑑水良如此鑑人更無過

竹溪離合聯句

携君迥破竹溪雲節白石清流思轉紛蕙臨別且期
天竺月節海山詩酒屬吾君蕙

和春節堯率詩

縹緲知名寺輝輝小白雲尋常無俗氣隨喜有吾君
石室系幽葉山鑪得晚薰詩成多遠意遣與故人聞

老杜堯率寺詩堯率知
名寺又隨喜給孤園

和樂寓贈機師

閑睡了長日僧來久不知碧雲千里色消息故人詩

和脊節連原詠唱

孤舟滿江水君子意如何迥郭浮雲重前洲落日多
中原起幽唱吾道在悲歌歲月須加飯區區望匪他

菊圃先生集卷之二

